

COMUN: La nodadoia Cron 4 da Raiscia, cun chëra che le Comun é convenzioné por n sconto söi prisc d'entrada, é stlütta dai 17 ai 30 de jügn por manutenziun.

SANITÉ: La doturia Grete Mahlkecht é demez por ferias dai 11 ai 28 de jügn y vëgn sostituida dal dotur Eduard Agreiter 0474 523 315 / 333 13 80 852.

SAN MARTIN

En dedemesaledema, ai 6 de jügn, dales 17.00 inant vëgnel sié la cortina, chi che á dlaurela é bel periá da gni a daidé. Sc'al é bur tēmp vëgnel sié la jöbia.

LUNGIARÜ

Al vëgn dër bel perié do le contribut por la ploania de 20 euro por porsona, tuc fora i studēnc, che vëgn trat ite incö y la domēnia che vëgn, do mēssa te calonia.

En lönesc, ai 3 de jügn lavunse la dljia; les ères é dër bel periades da gni a daidé y sc'al vëgn ince n èl o l'ater él ciamó damí.

Incö domēnia, ai 2 de jügn, (*ciarede plü avisa tl'ultima plata*):

- festejēia la Spona 10 agn dla Comunité d'abitaziun;
- él da odēi n teater tl Istitut Ladin por pici y gragn dales 18.00;
- él n concert de onoraziun de Felix Dapoz y Lois Ellecosta dales 16.00, a La Val.

En lönesc ai 3 de jügn dales 18.00 a Al Plan tl salf dles manifestaziuns, inviēia la Scora de musiga dër bel duc al concert de conclujun.

En mercui ai 05 de jügn, dales 15.00 tl'entrada dla Ciasa de Palsa: La Portina por la Cura y l'Assistēnza mēt a jí n domisdé d'informaziun "I stēnti da jí y ne vëighi nia plü bun - ci fá?". Colauradus/èsses dl Zēnter por i Verc y dla Cooperativa Handicar dá consēis pratics. I aspetun duc chi che é interessá.

En dedemesaledema ai 5 de jügn, dales 20.00, tl Raiun Sozial a Picolin: „Reden wir miteinander, wir finden einen Weg!“ por todēsch: Sēra d'informaziun cun le Comité dl Raiun Sozial Val Badia y la MIP-Männerinitiative Pustertal che é n post olache ēi pó se baié fora y se lascé aconsié. Tema dla sēra é baié deboriada por ciáfé soluziuns ti conflic te familia, tles relaziuns, tl monn dl laur. Thomas Pichler, mediadú y avocat, cunta de sües esperiēzes.

En Pasca de ma, ai 9 de jügn dales 19.30, tla dljia da Al Plan concert dl cor Cantus luvenis da Viena “corusc dla vita”. Le program musical vá da balades pop cina cianties de dljia.

En dedolönesc, ai 11 de jügn, dales 14.30, tl Salf di stödafüch a San Martin: Le Sindicat di Pensioná SGP/CISL - Grup Val Badia inviēia a na incuntada cun les referēntes dr. Gabriele Morandell y dr. Monika Völkl sön “le provedimēt dl paziēnt” (Pazientenverfügung), sura la poscibilité da manifesté sūa orenté co ch'an ó ch'an vëgnēs tratá y assistis tl caje de na maratia critica.

Le Sorvisc ai Jogn inviēia ia n curs de preparaziun al ejam de trilinguism cun Daria Valentin dai 16 agn insö dai 19 ai 23 d'agost, tres dales 19.30 ales 21.30, al cost de 20 euro. Iscriziuns www.proiec.org. Info 0474 523 070.

Al vëgn chirí voluntars da daidé romené sö la “SMACH. Val dl'Ert” a San Martin de Tor. Prëibel gnide en sabeda ai 15 de jügn dales 9.30 tla plaza dai auti dl Museum Ladin. Da dailó inant junse spo duc adöm a pe. Massaries, patüc da bere y mangé ciáfēise! Dilan de osc aiüt!



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

02.06. – 09.06.19 nr. 27

ultimo termo por comunicaziuns: jöbia dales 20.00
radio: 90,40 / 93,70

ASCENSIUN DL SIGNUR – C Assēnza / Palsacrusc

Vangele do Lüca 24,46-53

Gejü ti á dit a sü discepu: Insciö stal tla Scritöra: Le Messia sofriará y ressoriará dai morc le terzo dé, y te so inom ti incundaran a duc i popui, pian ia te Ierusalem, ch'ai dess dè ota, por che sü piçiá vëgnēs pordenà. De chësc sēise os mi testemoni.

Y iö ves ortiará jö sön os la scincunda che mi Pere ves à impormetü. Romagnede tla cité, cina ch'i ne gnēis nia implis cun la forza dal alt. Spo i àl condüt fora dlungia Betània.

Dailó àl alzè sües mans y i à benedí.

⁵Y tratan ch'al i benedí, i àl lascè y é gnü alzè sö cuntra cil.

Mo ēi s' à injenedlè a l'adorè.

Spo ési jüs cun gran ligrēza derevers a Ierusalem.



Vigni iade che la Bibla baia dl'Ascensiu se tratera dantadöt dl monn.

I dui ēi vistis a blanch damana i discepu: “Ciodí stēise pa chiló y ciarēis sö al cil?” sciöche por dí: I ciarēis tla direziun falada.

Pro l'Ascensiu dl Signur se tratera deplü dl monn co dl cil.

Le monn é le travert dla festa: da dljia fora y ite inanter la jënt, por ti dé na idea dl cil ti cuntan dl vangele – cun parores y opres.

Le cil é dailó olache la jënt se sint tuta söl sciode y respetada.

Le cil é dailó olach'an á dlaurela un por l'ater, olach'an se dēida, se consolēia y s'incorajēia.

Le cil é tla comunité olach'al é da sintí amur y la presēnza de Gejú.

Le cil é dailó olach'i ne se dodun nia da cunté de nosta storia cun Gejú, aladò che ince d'atri se lasces trá y animé da d'él.

	SAN MARTIN	LUNGIARÜ
02.06.19 ASCENSIUN DL SIGNUR FESTA DL'ASSËNZA	9.00 Corona 9.30 Gran Mëssa dla Comunité <u>cun les families</u>	7.30 Confesciuns 7.55 Corona 8.15 Mëssa dla Comunité 15.00 Corona tla capela de S. Ujöp Fr.
03.06.19 Lönesc <i>Carl Lwanga y compagns, Oliva</i>	20.00 <i>Sentada dl'Unité Pastoral</i>	
04.06.19 Dedolönesc <i>Clothilde, Crista, Werner</i>	19.30 Mëssa ++ Angela y Anna Ploner ++ Paula y siur Betrand Vollmann + Rinaldo Costabiei dedô sentada dl consëi de cöra	
05.06.19 Dedemesaledema <i>Bonifaz, Igor, Ferdinand</i>		7.30 Mëssa ++ Iustina y Germano Moling ++ Paolo Costa y Pietro Clara
06.06.19 Jöbia <i>Norbert, Kevin, Bertrand</i>	7.30 Mëssa di scholars fam. Oswald Dejaco ++ Frida y Clara Ploner Corona por vocaziuns	
07.06.19 Pröm Vëndres <i>Robert, Amadio</i>	Comuniun ai amará 18.30 Adoraziun y confesciuns 19.00 Mëssa dl pröm vëndres +++ Siegfried Penazzi y Erich y Corrado Castlunger + Erwin Rungger	7.00 Adoraziun 7.30 Mëssa de rengr. por Roman y Monica Clara de rengr. por fam. da Paur Comuniun ai amará
08.06.19 Sabeda <i>Medard, Helga, Engelbert</i>	15.30 Mëssa tla Ciasa de Palsa 18.30 Mëssa prefestia de rengr. fam. German Frenner +++ Serafin, Emma y Clara Frenner + Davide Costalunga	20.00 Mëssa prefestia por fam. de Nando Clara ++ da Vanc ++ Scebio y Angela Nagler
09.06.19 PASCA DE MA	9.30 Mëssa solëna por la Comunité 19.00-20.00 Ora d'adoraziun al Spirit Sant	7.55 Adoraziun – pröma pert 8.15 Mëssa solëna por la comunité dedô Adoraziun – secunda pert
Orar dles Mësses sö Oies dal mëis de ma 2019 inant: Dedolönesc, dedemesaledema y jöbia dales 20.00 Vëndres, sabeda y domënia dales 16.00 Vigni vëndres vëgnel confessé dales 16.30 ales 18.00 En vëndres ai 7 de jügn él siur Heinrich Ellecosta che confessa.		



*I periun do l'intenziun
dl Papa por le mëis
de jügn*

*I periun che i proi sides bugn
da vire na vita scëmpla y umila
tla solidarité cun i plü püri di püri.*



LE PROGRAM DL'ASSËNZA

Ne sté nia a ponsé al comié,
mo la vaghé da pié ia danü.
Ne sté nia a ciaré tl ôt,
mo oje la odlada sön la jënt.
Ne sté nia chic sön le post,
mo jí fora tl monn.
Ne sté nia a avëi mancia
chël che n'é nia da odëi,
mo confidé
ch'al é tres ciamó chiló.
Ne lascé nia
che sües pedies se perdes,
mo pesté ite y ti jí do.